

## Тарих сабоқларини англаш

инсонни ҳушёрликка ундайди

Муносабат

Ҳеч бир халқ, ҳеч бир миллат тарихий хотирадан айро ҳолда яшай олмади. Мабодо шундай ҳол юз берган тақдирда ҳам бундай кўргиликка дучор этилган миллатнинг, халқнинг келажаги бўлмайди. Зеро, кечаги кунини унутган элни зулмат бағрида йўлчи юлдузсиз, маёқсиз қолган оломондан, манқуртлар тўдасидан фарқлаб бўлмайди.

Шу сабабли мутафаккирлар инсоният ўтмишига қараб туриб келажақ сари қадам ташлайди, деган ҳикматни бот-бот такрорлашади. Илло бани башар учун мозийнинг, тарихнинг сабоқлари, хулосалари муҳим. Сўқир ҳам ҳассасини бир марта йўқотади. Лекин одамзод қандайдир қирқ йил ичида асосини икки марта йўқотишни эплади: иккита жаҳон урушини бошидан ўтказди! Мутахассислар сайёрамиз миқёсидаги Иккинчи жаҳон уруши камида элли миллион одамнинг умрига зомин бўлгани таъкидлашади. Элли миллион-а! Бу ахир бутун бошли мамлакат фуқаролари сонига тенг-ку! Уруш келтирган жафолар, азоб-уқубатлар, айрилиқлар, хасталиклар, жароҳатлар, ҳижронлар, очлик-яланғочликлар, йўқчиликлар туфайли вақтидан бурун дорил фанодан дорил бақога риҳлат этган жонлар миқдорини ким ҳисоблаб чиқди экан? Умуман, кулфатни, бахтсизликни рақамларда ифодалаб бўладими? Яқинларинг кўнглидаги ваҳимани, кўркувни-чи?

Халқимиз нақадар доно! Баъзан жилд-жилд таджикотларга жам бўладиган теран мулоҳазани биргина пурҳикмат жумлада ифодалайди-қўяди.

Шундай нақллардан бирини тез-тез тилга олиб тураемиз: «Бир кун жанжал чиққан уйдан қирқ кун барака кўтариллади». Энди бу «жанжал» минтақа миқёсида, қитъа миқёсида, ер юзи миқёсида кўтарилганда юзага келадиган парокандаликни, инқирозни, бахтсизликларни бир тасаввур этиб кўринг-а! Шу маънода ҳар қандай қирғинбарот уруш аслида инсониятни тамаддун ривожидан анча орқага иргитиб ташлайдиган, ҳеч қандай залворли ваъж-қарсон билан ҳам оқлаб бўлмайдиган қонли воқеадир. Чунки ҳар қандай урушнинг моҳиятида Коинот сарвари бўлган Инсоннинг ҳаётига қасд қилиш истаги ётади. Таъбир жоиз бўлса, уруш бу одамнинг ўзи ўтирган дарахт танасини ўзи қирқишга тушганидир. «Жанжал» оловида исиниш учун унга тинмай мой сепиб турганлар бир ҳақиқатни англаб олишлари лозим: урушда ғолиблар бўлмайди, вақтида сув сепиб қўйилмаса, эртаки-кечми, бу оч олов ҳаммани қомига тортиб кетади, «сен мени яратган экансан» дея айрим кимсаларни четлаб ўтмайди...

Давоми 2-бетда ➤



## Энг намунали ёш оилалар аниқланди

2012 йил — Мустаҳкам оила йили

Мустаҳкам оила йили ҳамда Халқаро оила кун муносабати билан ўтказилган маъруза танлов Тошкент шаҳар ҳокимлиги, шаҳар хотин-қизлар кўмитаси, Ўзбекистон «Маҳалла» хайрия жамоат фондининг шаҳар бўлими ва бошқа ташкилотлар ҳамкорлигида ташкил этилди.

«Туркистон» саройида «Энг намунали ёш оила» кўрик-танлови бўлиб ўтди

Тошкент шаҳар ҳокимининг ўринбосари, шаҳар хотин-қизлар кўмитаси раиси Ф.Абдурахимова ва бошқалар Президентимиз Ислам Каримов раҳнамолигида халқимизни кучли ижтимоий ҳимоялаш, унинг фаровонлигини муттасил ошириб бориш, миллий аънава ва қадриятларимизни асраб-авайлаш, баркамол авлодни вояга етказиш борасида амалга ошириладиган кенг кўламли

ишлар ўзининг юксак самаларини бераётганини таъкидлади. Бу эса оилаларни мустаҳкамлаш, ҳар жиҳатдан қўллаб-қувватлаш, моддий ва маънавий рағбатлантириш, оила, оналик ва болалик манфаатларини таъминлаш борасидаги ишларнинг янада кенг қулоқ ёйишида муҳим омил бўлмоқда.

«Мустаҳкам оила йили» Давлат дастури доирасида Тошкент шаҳар ҳокимлиги,

хотин-қизлар кўмитаси, «Маҳалла» хайрия жамоат фондининг шаҳар бўлими томонидан оиланинг жамиятдаги мавқеини кучайтириш, маҳалла ва таълим масканлари билан ҳамкорлигини янада кенгайтириш, ёш оилаларга ғамхўрлик ва эътибор кўрсатиш, хотин-қизлар, болаларни соғломлаштиришга оид бир қатор лойиҳалар муваффақиятли амалга оширилмоқда.

«Энг намунали ёш оила» кўрик-танлови — улاردан бири. Унда ёш оилаларнинг фарзанд тарбиясига эътибори, оилавий тадбиркорликни кенг йўлга қўйиш, тиббий маданиятни юксалтиришга доир тажрибаси, сиёсий, ҳуқуқий, иқтисодий билимлари синовдан ўтказилди. Айни пайтда иштирокчи оилаларнинг жамият ҳаётининг турли жабҳаларида олиб бориладиган кенг кўламли ислохотлар моҳиятини нечоғли теран англаши, китобга, миллий санъатимиз ва маданиятимизга, аънава ва урф-одатларимизга бўлган муносабатига жиддий эътибор қаратилди. Танлов доирасида оилавий тадбиркорликка доир кўргазма, миллий либослар намойиши бўлиб ўтди.

«Энг намунали ёш оила» кўрик-танловида Яқкасарой тумани Абдулла Авлоний номидаги маҳаллада истиқомат қилувчи Абдусалом ва Дилором Муталовлар оиласи олий ўринга, Чилонзор туманидаги Дўмбиробод маҳалласида яшовчи Рустам ва Матлуба Эрматовлар оиласи биринчи ўринга лойиқ топилди.

Суратда: Чилонзор туманидаги Дўмбиробод маҳалласида яшовчи Рустам ва Матлуба Эрматовлар оиласи.

Назокат УСМОНОВА, ЎЗА муҳбири, Отабек МИРСОАТОВ олган сурат

## Ижтимоий аҳамиятга молик масалалар

фракция аъзолари диққат марказида бўлди

Парламентда

Олий Мажлис Қонунчилик палатасида Ўзбекистон «Адолат» СДП фракциясининг навбатдаги йиғилиши бўлиб ўтди. Партия фракцияси аъзолари, вазирлик ва идоралар, Фуқаролик жамияти шаклланишини мониторинг қилиш мустақил институти вакиллари ҳамда партия фаоллари иштирок этган йиғилишда қатор долзарб масалалар муҳокама этилди.

Давоми 3-бетда ➤



## «Шап-шап» дегунча...

ХДП қачонгача «Адолат»нинг амалий ишларини рад этади?

Халқимизда «шап-шап» дегунча «шафтоли» деб қўяқол, деган мақол бор. Жуда топиб айтилган гап. Ўйлайманки, «Ўзбекистон овози»да чиққан битта мақола билан «Адолат» СДПнинг обрўйи тўқилиб қолмайди. Аммо мақолани ўқиган ўқувчиларда нотўғри таассурот уйғонмаслиги учун ҳамда тирноқ остидан кир қидираётганларга эслатма тарзида «Адолат» СДП билан ҳамкорликда амалга оширадиган эзгу ишларимиз Ватанимиз равақига хизмат қилаётганини алоҳида қайд этиб ўтиш фойдадан холи бўлмас, деб ўйладим.

4-бет

## Сайловчи —

амалий ишларга баҳо беради

Одамларнинг сиёсий-ҳуқуқий саводхонлигини ошириш йўлида баъзи депутатларимиз ўз сайловчилари орасида камдан-кам бўлишяпти. Жамиятда кечаётган сиёсий ва ижтимоий янгиланишлар тарғиботида сусткашлик ҳоллари сезилмоқда. Жойларда фуқароларнинг айрим масалаларда қилаётган мурожаатлари ечимда депутатлик гурӯҳи аъзоларининг ҳаммаси ҳам фаоллик кўрсатаёпти, дея олмаймиз. Холбуки, бугунги кун партияимиз дастурида белгиланган вазифаларни аҳоли онгига янада чуқурроқ синдириш ва тарғибот-ташвиқот ишларини янада кучайтиришни талаб қилмоқда.

5-бет

## Норма ижодкорлиги фаолияти ривожини —

давлат сиёсатини юритишда муҳим омил

Концепция: устувор вазибалар

Ўзбекистон Республикаси мустақиллигининг дастлабки кунлариданоқ мамлакатимизда иқтисодийнинг муҳим соҳаси бўлмиш кичик бизнесни ривожлантиришни рағбатлантиришга, хусусий тадбиркорлар ҳуқуқларининг кафолатлари ва ҳимоясининг кучли тизимини яратишга алоҳида эътибор бериб келинмоқда.

Ўзбекистон Республикаси давлат мустақиллигига эришгандан бошлаб янгидан шаклланаётган давлат ва жамият ҳаётининг барча соҳаларида бўлгани сингари давлат органларининг, жумладан, маҳаллий давлат ҳокимияти органларининг ҳуқуқий асосла-

рини мустаҳкамлаш борасида муҳим вазибалар белгилаб берилди.

Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясида ҳокимият ваколатларининг маълум бир қисми-

ни марказдан маҳаллий ҳокимият органларига ўтказишга қаратилган мавжуд қонун ва ҳуқуқий ҳужжатларни бир тизимга келтириш, уларга қўшимча тарзда янгиларини ишлаб чиқиш лозимлигига алоҳида эътибор қаратилганлиги гоёта аҳамиятлидир. Бу эса ўз навбатида маҳаллий давлат ҳокимияти органларининг норма ижодкорлиги фаолиятини янада такомиллаштириш ва ривожлантиришни тақозо этмоқда. Бинобарин, маҳаллий давлат ҳокимияти органларининг норматив-ҳуқуқий ҳужжатлари Ўзбекистон қонунчилигининг ажралмас бўлаги сифатида ижтимоий муносабатларни тартибга солишда алоҳида моҳият касб этади.

Давоми 2-бетда ➤

## Уйимиз тўйхонага айлансин

аммо фақат тўй деб яшаб ўтмайлик

Тўй яна одамларда харид қуввати ошиб бораётганини ҳам кўрсатиб туради. Шундай экан, бу маросимни, аввало, ўзимиз такаббурлигимиз, ортиқча чиранишимиз, ўринсиз «саховат»имиз билан бузмайлик, бу маросимни келажақ авлодларга пок маънавий либосда, миллий қадрият мақомида етказайлик.



8-бет













